

陽武縣志

全一冊

臺灣國家圖書館, NATIONAL CENTRAL LIBRARY, TAIWAN, R.O.C.

45

45

979

陽武縣志後序



夫志猶史也山川之形勢宮室  
之修建土地之肥瘠賦稅之多  
寡風俗之淳漓人物之臧否靡  
不纂而載之是乃一方之文獻  
也詐可易易乎焉哉蓋必才兼  
三長學綜百氏始足以揚摧今

昔品藻人物取信於後也不佞  
果何人斯敢濫竽斯責哉仰惟  
邑侯平原王公來宰是邑因覓  
縣志歆諳其風土民俗洎前令  
宦蹟可矜式者博訪久無所得  
乃命不佞修輯之顧余謏陋辭  
弗能獲不得已乃偕弟子員賈

生悌輩蒐而輯之不三月間聊  
成草創以俟博雅君子爲之刪  
削修飾詎意王公遂付之梓其  
間掛一漏百之失寧能免乎大  
抵修志之難難於人物故南軒  
張氏有曰修志之訓要在表彰  
人材不佞於是邑人物敢妄自

陽秋也不過檢循舊志及邑人  
兩河馬君所續纂者爲之紀載  
云爾觀者幸勿以雜穢嗤之焉  
萬曆辛卯一之日河內後學王  
東魯書於樂育堂

陽武縣志卷之六

人物志

帝王附

山川孕秀賢哲篤生是天地之紀也邦家之光也  
氣運所關豈偶然哉故自古及今文學才行之英  
忠孝節義之士貞烈之女隱寓之賢固皆表表於  
世足以風厲後人者使不著之於編帛以示勸戒  
作人物志

鄉賢

漢陳平字孺子家貧好讀書少年里中宰社肉甚  
均父老曰善陳孺子之為宰乎曰使平得宰天下

陽秋也不過檢循舊志及邑人  
兩河馬君所續纂者爲之紀載  
云爾觀者幸勿以雜穢嗤之焉  
萬曆辛卯一之日河內後學王  
東魯書於樂育堂

陽武縣志卷之六

人物志

帝王附

山川孕秀賢哲篤生是天地之紀也邦家之光也  
氣運所關豈偶然哉故自古及今文學才行之英  
忠孝節義之士貞烈之女隱寓之賢固皆表表於  
世足以風厲後人者使不著之於編帛以示勸戒  
作人物志

鄉賢

漢陳平字孺子家貧好讀書少年里中宰社肉甚  
均父老曰善陳孺子之為宰乎曰使平得宰天下

亦如是肉矣後事魏不用事項羽亡歸漢因魏無  
知求見漢王拜都尉恭乘典護軍屢從征伐六出  
奇計王即位封戶牖侯以計解平城圍封曲逆侯  
惠帝朝為右丞相之帝二年冬十月薨謚曰獻侯  
縣東北軍上里祀鄉賢

張蒼好律曆嘗仕秦為御史柱下方書後歸漢為  
常山守徙代相減茶反蒼從討有功封北平侯食  
邑千二百戶時蕭何為相國而蒼明習天下圖書  
計籍又善用筭律故令蒼以列侯居相府領諸郡  
國上計孝文帝初代灌嬰為相景帝五年薨年百

餘歲謚曰文侯縣東北宣化里著書十八篇專言  
陰陽律曆傳于世祀鄉賢

晉毛寶字碩真初為溫嶠平南叅軍蘇峻作逆寶  
以千人次茄子浦奪其粟萬斛虜殺萬計嶠表為  
廬江太守與賊戰馬頭山寶中箭貫髀徹鞍歸洗  
瘡訖進破賊于合肥及賊平封陵川縣開國侯尋  
遷豫州刺史守邾城石季龍遣兵攻之城陷寶率  
左右突圍出溺江死子二穆之安之自有傳

毛穆之字憲祖寶之子果毅敢為有父風為安西  
將軍庾翼叅軍轉建武司馬翼卒其將于贇等作

亂穆之討平之又從平蜀有功封建安侯累遷益  
州刺史卒贈中將軍謚曰烈子五珍嗣位官至天  
門太守瓌自有傳瑾仕至梁州刺史潘仕至寧州  
刺史瓌繼兄之任亦至寧州刺史

毛安之字仲祖有武幹為撫軍參軍魏郡太守簡  
文時拜游擊將軍孝武即位妖賊盧悚突入殿庭  
安之聞難直入手自奮擊既而兵集遂勦滅之遷  
右衛將軍卒贈光祿勳子潭為江夏相恭為冠軍  
將軍遠為游擊將軍道為太傅主簿俱有名于時  
毛瓌字叔連穆之子初為右將軍桓豁諮衆軍安帝  
累遷征虜將軍桓玄篡位之遣使加散騎常侍瓌不  
受仍傳檄列玄罪狀遣巴州太守柳綽之等擊破  
逆將桓希等于梁州及去又上進瓌征西將軍卒  
追對歸鄉侯

南北朝毛脩之字敬甫瓌之子宋高祖時為河南  
太守先晉安帝時以誅桓玄功為號騎將軍後累  
遷相國右司馬行司馬事戍洛陽脩築城壘宋武  
帝至履行善之擢為安西司馬為赫連勃勃所擒  
及赫連昌滅入後魏既而待選事魏太武為大官  
令終尚書光祿勳封南郡公

梁毛喜字伯武少好學善草隸仕陳累官給事黃  
門侍郎兼中書舍人典軍國機密以定策功封東  
昌縣侯後主時出為永嘉內史為政清靜人吏安  
之尋徵為光祿大夫領左驍騎將軍道卒有集十  
卷子慶冲嗣

唐肅司謙名仁約以字行高宗朝舉進士為應城  
令擢監察御史時中書令褚遂良市地不如直思  
謙劾罷之及遂良復相出思謙清水令皇甫公義  
引為倉曹參軍再改侍御史帝甚賢之每召與語  
雖甚倦徙倚軒檻猶數刻罷疑獄劾事多與參裁  
累遷戶部政大夫封博昌縣男轉納言以疾辭不  
許詔有與入朝聽子孫侍卒贈幽州都督子二承  
慶嗣文祀鄉賢

常承字慶字延休思謙子性謹畏事繼母篤孝擢進  
士補五經王府參軍及王為太子承慶遷議郎太子  
稍嗜器耳色與土功承慶乃上疏極陳其端又進諭  
善箴太子頗嘉納之後累官秘書員外少監兼修  
國史封扶陽縣

章嗣字子延構與承慶異母天性孝文武后時舉  
進士五心雙流令政稱最累遷中書令睿宗以定策



功賜封百戶坐事貶陳州刺史開元中河南道巡  
察使去其齋歆復用會卒贈兵部尚書謚曰孝  
韋恒嗣立子開元初為碭山令政寬惠吏民愛之  
天子東巡州縣供張皆鞭朴越辦恒不立威而事  
給御史中丞宇文融薦恒有經濟才讓以其位擢  
殿中侍御史累轉隴右河西黜陟使時節度使蓋  
嘉運恃左右援橫恣不法恒劾奏之出為陳州太  
守卒

韋濟恒之弟開元初調郾城令或言吏部選縣令  
非其人上召問所以對凡二百人惟濟居  
第一不能對者心免官于是懼隴泉今天寶中累  
遷尚書左丞嘗有先德詩四章世服其典懿拜中  
書令封晉國公

常弘景嗣立孫暹進士第以左補闕召為翰林學  
士累遷吏部侍郎貴倖憚其嚴不敢干以私歷陝  
虢觀察使召拜尚書左丞遷禮部尚書東都留守  
卒弘景以直道世世議論持正有守當時風教所及  
數倚賴焉為長安愛名卿云

宋李穆字孟雍博學性至孝不為醫飾歷仕周為  
右拾遺入宋遷南林學士終叅知政事過後進常

加汲引士論以此多之弟肅亦舉進士累官保  
軍推官嘗作樂章詞多爾雅子惟亦多材藝然不  
樂仕進真宗召拜太子中允致仕入祀鄉賢

王文寶太平興國初為軍器庫大使嘗使契丹會  
陳洪進獻漳泉池以文寶監泉州兵群盜大起文  
寶平之以功領媽州刺史歷知涇延討平遼寇累  
遷高陽關兵馬鈐轄卒于官

時彥字邦美舉進士第一崇寧中以戶部侍郎兼  
寶錄脩撰擢知開封府時都城多盜捕得則皆亡  
卒吏彈于移問往往畧之彥始請以公平為驗否

則拘繫之以俟報坊邑少安徵至屢空遷兵部尚  
書兼侍讀學士尋遷吏部尚書太祀鄉賢

元李保保有勇畧至元末從察罕帖木兒起義兵  
復羅山縣除澤州路治中尋以功轉樞密院知院  
守石州累遷至平章政事

國朝馬守中洪武初以秀才釋褐為獲嘉縣丞歷遷  
知縣同知所至皆有政聲入為監察御史風裁凜  
凜官至右僉都御史

解敏性剛勁學務研精動止有法每以古人自許  
登洪武乙丑進士拜監察御史直聲大振遷浙江

愈事用法嚴明進按察使超遷右副都御史  
實奇由國子生授直隸涿州知州改按察經歷充  
勤厥職賢聲丕著尋擢戶部郎中

李訓由國子生尋楷書有材幹授工部主事積官  
郎中

趙文由國子生文學贍蔚篤實老成授太僕寺寺  
丞

王煥由國子生性資典雅用意忠厚官拜柳州府  
同知卒于官子鐸孫嵩曾孫光

陳贊字仲器舉進士賦性剛介遇事敢為授完縣  
知縣以廉能見稱地多中貴且屬王振用事乃以  
直忤罷歸人共惜之

毛志字尚忠登天順中進士成化初拜吏科給事  
中天性骨鯁不避權貴敢言直諫論及宮闈忤旨  
罷歸直聲動天下惜章奏散佚幸有史筆在焉

蘭澄字文灑登成化丙戌進士度寬裕而有容才  
敏捷而不矜拜南京山西道監察御史劾貴戚怙  
寵擅權論宦官干與國政知無不言朝野震懾惜  
卒于官未竟所施入祀鄉賢

馬龍字汝霖生而隸異姓至孝登成化辛丑進士

初授刑部主事累遷廣東按察使時有悍民謀懷  
反側公推誠撫馭弭患未幾以才優理劇調西江  
適疾告歸卒年四十有二輿論

王光字德輝嵩之子登正德戊辰進士天資朴實  
才足有為初授博興知縣時流賊掠境光備禦有  
方城賴以全擢監察御史代巡陝西邊境肅然兩  
知永平保定政尚寬易吏民安之尋遷山西憲副  
致仕進階正三品

帝紀附

上古蒼頡禪通紀云史皇氏蒼帝名頡有睿德生  
而能書及長登陽墟山臨洛水之汭靈龜自負書丹  
甲青文蒼帝受之遂窮天地之變仰觀奎星圖曲  
之勢俯察龜文鳥羽山川掌指而創文字文字成  
天為雨粟鬼為夜哭居陽武而葬利鄉

孝子

唐特惠珣天性純孝母篤疾不能動履惠珣晝夜  
躬為扶持飲食湯藥必嘗而進衣不解帶者歷五  
寒暑曾無少怠母疾由是獲瘳人咸異之惠珣于  
朝詔旌其門仍令有司不特存聞併復其家

國朝高仲德少喪父及長商于長興值元末兵亂失

母所在遂挾貲北走燕冀悲號道踰以求之適商  
人自樂亭持母書來仲德乃于數千里外迎歸人  
以為孝感所云洪武初以孝薦舉授鹽運副使  
劉大性至孝家貧值歲饑傭工于掌中里以供養  
父母尋相繼亡大徒既營葬廬墓六年永樂間  
旌表

蕭盛字世昌天性篤孝七歲母卒悲號如成人鄉  
邦奇之及長游邑庠取予不苟以禮經中成化戊  
子鄉試後父通及繼母傅氏相繼淪亡哀毀踰禮  
瘠不能立廬居墓側三載間構祠堂以安神主植  
栢成林脩補靠山且築祖宗墳墓皆高大餘比物  
有大來以伴守而繼有青蛇馴擾之異鄉人上其  
事知縣景源為之立傳暨碑事聞詔旌其門口孝  
行後任通州判視國如家愛民如子百廢俱興一  
廡莫伍入祀名宦為今入祀鄉賢

李麟邑庠生也父早喪母魏氏成化間亦故麟衣  
衾棺槨悉遵禮制與父合葬即廬墓側朝夕哭奠  
如初喪然三載癯形成稱為難知縣為之奏聞仍  
刻事于石以風世

湯萬字調羹補庠廩生家貧嗜竭力事二親父卒

哀毀盡禮後應嘉靖癸巳貢授延安司訓道遠母老不能偕往每遺俸以奉養其母人共賢之

崔珪家貧母病思肉求弗能得乃齧天割肱肉作膾以進母病遂愈嘉靖間代巡張按臨廉知其事嘉其貧而能孝令縣月給米三斗以恤其母

### 友悌

漢陳伯有田三十畝與弟平居伯嘗自耕縱平游學不事家業或問平何食而肥其嫂嫉平游蕩乃曰食糠覈耳有叔如此不如無之伯聞而怒遂棄其婦

唐高嗣立與兄承慶異母性友悌母過承慶嚴為咎承慶輒解衣求代母不聽即遣奴自搗母感悟均愛世比諸晉王覽云

國朝劉洋與兄劉淵在童稚時父母繼亡至成立析居淵亦亡遺子二俱幼且無產業洋撫之如子洋則子二有田四百畝庄一所及子姪長為之五分均分時人以為難稱為義士

馬錡本縣西趙保人其弟銀蚤卒遺子曰全尚在襁保母曹氏痛子蚤世而孫失怙氣幾絕錡與妻王氏乃扶母而慰曰誓與吾子同育及曰全長教

以業儒食廩析產與子均分里隣上其事邑宰扁  
其日子姪均業且延為鄉飲賓云

朱友義梁元保人性孝友母喪朝夕號泣水漿不  
入口者五日既葬獨寢三年不入私室後父繼娶  
薛氏生二子女愛如同胞產業悉讓不取事薛猶  
所生薛遭疾垂亡晝夜維持湯藥親嘗額天以身  
代薛疾逾人以為孝上其事邑侯王公扁其門曰  
孝行

馬羲文大賓保人性方學邃蚤年先怙居鄉以孝  
友稱婚喪悉遵家禮人咸效之由貢任寧國丞能  
善其職謁上官恥於奔趨遂解職歸田絕跡公門  
惟閉戶讀書竊慨邑志殘闕留意蒐輯手錄成帙  
茲志成之速者實賴公之遺也且制行純潔足以  
庶頑惜位不副德未竟所施人以為隱君子云

趙應聘政善保壽官嘉靖三十二年黃河大溢衝  
南關古路往來行人不便僧已贊顧工修築如故  
南門西施義塚地一段四畝又施棺木三百有餘  
蒙本縣立扁旌獎石萬曆四年瀝水又將前路仍

陽正縣志卷之六  
衝有男司吏趙名儒願工修完以繼父志蒙縣扁  
獎父子同功

順孫

國朝正九品登仕郎蕭雲鶴乃

勅旌孝行舉人盛之孫早失怙恃家貧業儒每以繼述先人為念及長遊邑庠平居嘗自謂為人子孫者不能立身行道顯揚祖考亦當竭力幹蠱無忝所生因見先塋為祖廬墓之所迄今荒廢惕然興悲為之捐地正界立石樹木不數年塚土巍巍視昔之盛時無異祖孝行坊門不忍傾頽遂構材陶甃極力修建金碧重煒一時改觀家之有無弗計也所謂善繼善述者不是過矣本縣知縣謝公據



儒學師生公舉申請

學道陳公立扁表揚順孫續蒙司院旌獎扁名世  
孝仁孝孝友先後接踵閭里生光有子四人俱全  
就學每以法祖勉之三子入庠同食廩祿一子幼  
冲成立有待且衍派儒醫名馳海內不特邑之官  
師士民咸爾救藥雖名公巨卿端車幣聘者殆無  
虛日時年七十矣諳練博洽議論過人素有興學  
勸善之意  
按院陳公廉其名而請焉託以興學息訟輒有功  
績勒名於碑居鄉築耕課讀裕如也

義士

宋時邦美父逸其名為鄭州牙校補軍將吏差赴  
成都部押綱時年六十有四妻方四十餘歲尚未  
有子謂其夫曰妾有金百兩君可携至成都求一  
妾圖身後計至成都憑牙僧得一女顏華秀麗舉  
止不鄙且以白布總角詰其家世女泣告曰父本  
都下人為州掾卒扶襯至此不能歸鬻妾營辦邦  
美父惻然偕女往見其母即以金贖且代幹辦同  
上道踞事掾妻如部曲主至都下事襄方辭歸妻  
迎問買妾事且以實告妻曰濟人危急陰德莫大

當更為君圖之未幾妻有孕一夕夢數人披衲擁一金紫人留堂中及凡生邦美舉進士第一官至吏部尚書人以為與馮商事同

國朝劉銳黑吾里人家世殷實輸金為周藩典膳幼讀書識大義一日見文廟兩廡及脾沙崗社學傾圮乃白邑宰捐金備建煥然改觀知縣范箕上其事于兩臺命延為鄉賓以旌其義

劉振沙河里人性剛直量恢豁家饒裕正德戊辰歲饑捐粟活萬計嘉靖甲申又饑賑貸如前人多德之

### 義夫

國朝蕭叟曜邑庠生也孝行舉人盛之曾孫順孫雲鶴之子自幼定致仕官蘭問女為妻未聘時蘭氏因癖病口眼俱壞手足殘疾伊外父見得如此恐不能為此生之室以供中饋因使媒人楊新元向伊父說另擇娶本生聞而荅曰此女問名後即吾妻也縱有惡疾忍別嫁乎遂泣誓不從至萬曆三年以禮娶為妻迄今二十年夫婦諧和生有子女無怨言焉比時儒學師生鄉約里隣公舉到縣縣主蕭公廉其義而嘉之據申文內稱說本生以青

衿之士子值鼎盛之芳年甘娶惡疾之女永無怨  
悔之心井白親操辛苦見憐於鄉曲琴瑟適調好  
合見順於椿萱理 六勸以勵風俗崇 按院學  
道本府俱行獎云 行端方孝義超俗禮宜優獎  
先扁其門表揚義夫仍俟奏請

王守正川村里人也一日往耘于田拾白金一  
袋知為行旅所遺即假耘以待俄有人號泣而來  
叩其故乃曰吾先化人也為吳守中有父任某處  
倉官因賠補倉糧令忠回籍變產鬻女僅得白金  
若干以贖父罪不意因便田間忘而遺失守正廉  
其實携囊還之守忠感其義割半為謝守正堅却  
一毫不肯染時嘉靖丙寅夏六月也鄉人白其事于  
縣大尹任公題其家曰拾金還主以褒嘉之後二  
十有二年為萬曆丁亥新店保民孟懷恩於秋八  
月拾李守耕遺銀訪而歸還縣主王公暨扁以旌

之人皆以二人善出天性非要譽而云然  
王尚賓衣中生也時值縣主備葺儒宮創建奎樓  
乃捐白金一百二十兩用佐工役復捐金創建鄉  
賢名宦二祠蓋亦激劉之風而興起者兩院學道  
胥為之嘉獎

王添輔趙應聘費春元俱本縣人萬曆戊子時疫  
流行死者多貧不能葬各施棺五百有奇趙且設  
義塚以掩之至於行有死人又有孟懷恩為三大  
塚以處馬里隣各上其事本縣胥旌獎之

費書元辛店里人捐穀裕飯饑貧賴以延  
主施棺濟人骸骨不至暴露脩墊通衢道  
踏行旅便於往來誠善行之足嘉者

李萃然醫官猷功里人孝叔孀敦猶子之情  
撫孤侄盡慈幼之道拾金還主施藥活人  
炎天捨茶捐資脩道此善行之可嘉者

省祭官曹克恭本縣宣化里人一意崇儒多  
方濟衆繕黌宮勸義學有裨斯文設藥局  
建橋梁博施載道惠加貧婦捐機杼之千  
金恩及遺骸布漏澤於三載用穀備賑舍已

陽武志卷之六  
利人允宜表彰勵茲風化學道本府胥為  
之嘉獎

隱寓

國朝張魯輝其先平陰人博通五經元末徙居陽武  
時值兵亂隱居不仕人稱曰張夫子長子純洪武  
初由人材薦授浙江杭州府知府次子實封戶部  
主事孫允中登進士第累官山東叅議當時父老  
僉曰魯輝善教魯孫行由歲貢任曲周訓導  
李鳳翔山西翼城人洪武間任本縣丞遂入籍川  
村里孫錡應成化二十年貢任山東登州府學訓  
導錡子嘻應嘉靖九年貢任直隸滄州判官

孟真儒新店保人問學淵源常以古人期待由貢  
任盩山丞賢能懋著工部廉其才檄督修居庸等  
關邊隘勞績稱最轉崇府紀善時父紫陽令在堂  
乃曰大丈夫弗克大有豈立奚用此齷齪為哉矧  
親老垂白柰何升斗是糜遂浩然致歸日以娛親  
為事里稱孝子偶喪年尚強也慕曾子之行竟不  
再娶鰥居三十餘年邑宰扁其門曰孝義流芳年  
八十六而終臨危召子孫至榻味一聯以訣之曰  
平生無一事欺天今日送百骸歸地至今人誦之  
以為不媿

貞節

國朝張氏陳三妻也陳三沒張年二十有六家貧子  
幼舅姑且老內無思麻之親張備針作織以養舅  
姑晨昏無少怠積數年如一日舅姑憫其勞諭之  
再醮張謂人曰君如此吾當葬于井底父母宗黨  
強終不聽壽八十而卒有司上其事旌表

蕭氏邑人崔五之妻性機警在髫鬢時未嘗宣呼  
于父母側及長歸崔克執婦道一日崔遭疾臨危  
厲曰我死汝宜自處善保豎子蕭應曰諾時年一  
十九也舅姑俱沒有子二長繼三齡次甫數月家

無儋石匍匐夫喪作主為祠誓以終身晝織夜紡以給衣食隣媪宗族咸諷之嫁不聽洪武庚辰有司舉以聞于朝旌其門壽七十而終

陳子英妻孫氏子英飛虎衛小旗洪武初從軍北征謂孫曰吾生死未可知幸有二弱息汝肯撫育乎孫曰君但盡忠報國吾母子勿煩憂也子英果死于戰父母欲更嫁之孫泣曰吾不忍背夫而生即欲自盡父母懼而止

孫氏名淑貞郭寧之妻自幼聰敏其父無子教以烈女傳即曉大義既長配郭寧以疾卒淑貞年方十九堅志守節如終無玷鄉邦重之有司上其事旌表其門邑人志為之立傳

孟氏致仕主簿子禮女年十八歸鄉民毛寧二十二而寡居壽八十而考終冰霜節操鄉邦歎難正德間旌其閭姪婦馬氏同一節操人以為觀感云馬氏毛澄妻壽百馬銘之女生員馬潼姊也澄早死無子氏守節四十年與孟氏比隣皓首無瑕且事孀姑三十餘年始終不懈及沒殯葬以禮人稱其節孝兩全嘉靖有改元有司始上其事後五年方表其門

邢氏生員江朝宣妻夫婦俱年二十餘正德丙子  
大疫姑實氏與夫胥亡時翁鯉亦染疫氏日奉湯  
藥曾無少怠俟翁疾少差氏即夫柩前抱棺痛哭  
自縊以殉鄉人為之相向悲泣邑侯朱卿備棺禮  
葬上其事未幾表至人為之惜

宋氏邑掾李寧妻年二十五歲而夫亡無子止遺  
一女尚在襁褓乳乳無依人甚憐之其衣食取給  
于織紡辛苦自甘夫族有奪其志者氏以死自誓  
眾懼而止鄉人咸曰有栢舟之風云

米氏劉忠妻忠早卒米氏孀居守志撫養遺孤連  
及連成立娶王氏而連亦卒王氏遂奉養米而  
育孤孫裕及祥長娶董氏未幾裕又卒三氏相依  
為命操凜冰霜鄉人哀憐之監司交上其事 詔  
旌其門曰三世同節

張氏鄉民李用周妻年二十而藁碁見背子女俱  
無矢志守節孝養繼姑孀居四十餘年始終不渝  
有司以其事聞旌表其門

馬氏壽官馬銘次女適邑人單宗復年二十四而  
夫以疾卒有子尚在襁褓前旌表毛澄妻乃氏姊  
也且相比隣誓效守節壽躋七袞克如初志鄉人



以雙節美之

孟氏生員王調昂妻節婦毛寧妻兄女也年十九昂卒遺姑張氏年七十餘子三友甫三歲家計蕭然氏以死自誓奉姑育子及子成立乃與姑俱沒氏復育婦與孫婦曹氏又卒幸孫上桐成立補邑庠弟子員孀居六十餘年人咸美其難以上二氏嘉靖乙巳大祭金公按臨庶知其事并前毛澄妻馬氏各賜米一石布二疋肉十斤以示優卹巡按蔡公俱題其門曰貞節云

李氏貢士黃廷贊妻贊入監事竣甫歸遂卒室空懸罄氏匍匐營葬甘藥教子人不能堪年逾八十茹淡猶怡怡也限于年例未請知縣張公邦禮扁其門曰守志保孤以為俗勸

毛氏鄉民婁岑妻岑卒氏方二十有二姑嫜垂老二子俱幼竭力養育比二親繼沒以禮殯葬二子又沒幸有三孫氏復育孫教以讀書兩孫補邑庠生曰臺曰庭人稱持身無忝訓孫有功鄉邦仰正烈婦縣南一里許龔家寨民婦也逸其姓氏正德壬申流賊至其地見婦姿色執欲污之婦曰頭可斷身不可污賊迫之婦怒誓不絕賊怒竟戮之人

以為常山之舌不是過也時兵燹之餘惜有司不能錄以聞以致汨汨於七十年餘故老相傳言之猶令人毛竦淚零因著於編使世知有如此烈婦庶或死者亦得瞑目於地下云

李氏童生劉楨之妻楨家貧讀書因而疾卒氏方十有八歲痛夫若學無成而死乃謂姑曰棺宜寬大我將殉之衆聞駭然環守一夕少懈遂縊柩前遠邇聞之莫不酸鼻乃啟夫柩而合殮焉知縣牛宗顏上其事乃旌其閭

蕭氏順孫郵官雲鶴之女為蘭尚敬妻尚敬蚤歲失怙而母焦氏青年守節家徒壁立織紉撫孤迨敬成立娶蕭未幾而敬又短折有諷蕭以再適者蕭曰當年姑失所天筑筑無依尚能堅節矧吾父兄俱列衣冠亦能耶郵不能有尤吾姑乎遂卸鉛華著荆布撫孤以奉姑時年二十有二也今逾五十矣里隣舉其事知縣王公以年例未合先扁其門曰二世貞節仍俟奏請

賈氏鄉官臨淄丞守智女邑民費茂元妻年二十二而夫亡遺孤蕪甫一歲時姑張氏寡居賈則矢志不貳上事孀姑下撫遺孤迨蕪成立娶葛天民

女為妻未幾蕪亦三葛幸生遺腹子家道伶仃乳  
乳無倚三婦則藉女紅以存活邑宰廉其事扁其  
門曰一門孀苦賈之婢韓氏幼所育也贅王成為  
婿而成亦故且無出乃慕賈之操亦誓死靡他賈  
故韓則為之營葬而事葛無異事賈馬輿論賈之  
惜家道寒微而無有能上其事者

完氏地城保人生員張鳳之妻鳳卒完年二十有  
六遺孤名憲誓不再醮堅志撫孤比憲成立娶婦  
楊氏不二載而憲復卒楊年纔十九也既而遺腹  
生男一軋姑婦幸胤不絕竭力撫育成入各以完  
節而終院道屢加旌卹題曰門雙節

郝氏鄉民湯相妻相卒氏方十九歲遺男良臣方三歲度日  
艱窘紡織為生不以貧寒易志堅守五十年育子成人家  
道頗過毫無瑕玷鄉約里隣舉其事復據儒學師生保結  
到縣縣主蕭公申請蒙按院學道本府俱批以貞節自守  
苦育稚子誠世之模範理宜獎勸先賞銀壹兩仍扁其門  
曰守節成家曰節婦曰繼美栢舟以為世勸

張氏邑民單一寡妻夫早卒室空懸磬節勵堅金遺男守  
已弱齡失怙竭力撫育阿翁瑄任陝西延長諭年踰八衰  
笄萃無依氏日夜紡績供養無少懈瑄卒棺槨殯葬悉

辦成禮時鄉人稱曰張孝婦張孝婦守節五十年餘男守已成家道視昔浸浸起孫志選時承懿訓藉博士弟子員邑侯蕭公薦其苦節上之臺司扁門曰節壽日誼並栢舟曰義重綱常以為世勸

汪氏邑人王邦彥妻彥早卒氏方十九歲遺男允中尚在旬月舅姑俱七十餘老無所依氏紡績供養舅姑俱享遐齡堅心撫孤允中名列黌序含荼茹藥節操冰霜集論無玷婦節可風縣主杜公申上院道扁門旌揚以為世勸

節婦王氏係本縣東智保儒學生員吳士元妻東隅保鄉官王從政室女年拾陸歲憑媒張相於隆慶六年十二月二十九日嫁與元為妻夫于萬曆八年病故遺氏二十四歲恪守冰節不辭井臼之艱難孝養公姑克盡生死之大禮勤績紡織裨益二子自二十四歲之堅貞迄今七十七歲之辛苦鄉約闔學呈縣覆查是的業已扁獎申報蒙  
提學道 批允表揚

即婦馬氏係本縣名石保民靳自敏妻鄉官  
馬伯選室女年十六歲憑媒求登于萬曆  
十二年十二月二十七日嫁與敏為妻夫  
于萬曆十七年病故遺氏二十一歲止生  
一子尚未舞象守節四十餘年高堂垂白  
之親需以送厥老膝下伶仃之子賴以成其  
身貞心如石若節凌霜目今六十餘歲鄉  
約闔學呈縣復查的係節婦所宜示旌以  
風世者也崇禎元年十月初六日蒙  
撫院丘批允單報以曰貞節可風之扁旌



獎訖

郝氏係本縣南辛保民趙體健妻中年縣梁甲  
郝文選室女年十四歲于隆慶三年十二月  
二十九日憑媒白廷齡嫁與健為妻至萬曆  
二年三月二十四日夫體健病故年方一十  
九歲止生一子僅為週生意欲殉夫自盡順  
姑勸勉堅心撫孤日夜紡績供奉公姑飲  
食無缺教子趙性煊名列黌序含荼茹  
藥歷年五十四載迄今七十二歲闔縣取  
法輿論僉羨鄉約通學鄉士夫公舉其  
事天啓七年十二月二十日蒙

提學道曹 批允表揚候題

前件看得郝氏金石為心松筠比節完名白  
首歷百苦以備嘗矢志青年存一綫於若  
墜琴瑟終身絕響蘋蘩畢世勤操素影  
伴衾稠苦無天而怙冒寒熒供紡績幸  
有子以承祀貞節可風綱常攸賴業蒙  
扁示旌異猶乞

題請顯揚

崇禎二年四月內奉

聖旨 旌表節婦郝氏之門訖

陽武縣志卷之七

三言志

人君端居九重其所以奔走天下榮辱予奪之者  
惟命令耳禮曰王言如絲其出如綸此之謂也我  
國家之於臣下有任使則有  
勅命以責其成有馳封則有

恩命以昭其寵所以勸臣忠而成子孝者亦大矣故  
士之依光日月者得一焉則人皆華之世世珍之  
詎不宜哉陽武代不乏賢寵頒有自使不忘之後  
之欲致身以顯揚者何所觀感也故作王言志

提學道曹 批允表揚候題

前件看得郝氏金石為心松筠比節完名白  
首歷百苦以備嘗矢志青年存一綫於若  
墜琴瑟終身絕響蘋蘩畢世勤操素影  
伴衾稠苦無天而怙冒寒熒供紡績幸  
有子以承祀貞節可風綱常攸賴業蒙  
扁示旌異猶乞

題請顯揚

崇禎二年四月內奉

聖旨 旌表節婦郝氏之門訖

陽武縣志卷之七

三言志

人君端居九重其所以奔走天下榮辱予奪之者  
惟命令耳禮曰王言如絲其出如綸此之謂也我  
國家之於臣下有任使則有  
勅命以責其成有馳封則有

恩命以昭其寵所以勸臣忠而成子孝者亦大矣故  
士之依光日月者得一焉則人皆華之世世珍之  
詎不宜哉陽武代不乏賢寵頒有自使不忘之後  
之欲致身以顯揚者何所觀感也故作王言志



諭祭河伯祭文

維

景泰四年歲次癸酉二月戊子朔二十九日丙辰  
皇帝謹遣都察院右都御史王進致祭于朝宗順正  
惠通靈頭廣濟河伯之神曰惟神奠鎮茲土以庇  
利爲職比聞連歲伏陰雨雪過多農事艱舉人民  
乏食困斃不勝朕心憫惻此固朕之不德所致然  
念朕與神受育民之責於天其任惟鈞而神則  
又獨司陰陽闔闔之機物理變化之運念令此沴  
爲民病乎咎固當歸于朕神亦焉得而辭故敢以  
告尚冀神休太布陽和之惠溥成發育之功專候  
感通以慰與望謹告

維

景泰四年歲次癸酉七月丙辰朔十七日乙未

皇帝謹遣刑科給事中姚旭以香幣牲醴祭告于朝  
宗順正惠通靈頭廣濟河伯之神曰國以兵民爲  
本兵民以食爲天仁政所先孰加于此方秋百穀  
將實重以漕運方殷雨澤罕敷河流多決兵民所  
望疇當副之夫朕爲國子民而神爲民捍患實皆  
天職然有司存朕所能爲豈敢畏難于朝夕神之

易舉詎可辭勞于指麾沛膏雨以作豐年助順流  
而爲通道願有禱也莫無負焉謹告

維

景泰五年歲次甲戌四月壬午朔二十二日癸卯  
皇帝謹遣刑科給事中徐安行齎捧香帛牲醴致祭  
于朝宗順正惠通靈顯廣濟河伯之神曰茲者農  
務方殷所憂旱潦不均豐歉所繫尤切于朕心神  
主茲方計不異此雨旸時若其職在神尚運神機  
俾從民欲民苟遂豐登之願神益彰庇利之仁專

遣使以慰靈禱

維

景泰六年歲次乙亥閏六月乙巳朔十一日乙卯  
皇帝謹遣都察院左僉都御史徐有禎祇奉香幣牲  
醴之儀專禱祀于朝宗順正惠通靈顯廣濟河伯  
之神曰恭承 大命重付眇躬民社所依灾祥攸  
繫志恒內省政每外乖茲者雨澤不敷河流欠涸  
舟船淺滯禾稼蕪糞灾患由臻公私所病究惟所  
自良有在茲然因咎致灾固朕躬周避而轉患爲  
福實神職當專夫有咎無福過將惟一而轉患爲  
福功孰與鈞特致懇祈幸副懸望謹告

勅命山西聞喜縣主簿祁伯祥

勅曰縣屬府州于民爲切近必得上循國法下悉  
民情長於撫字者以任佐貳之職祁伯祥今授將  
仕郎平陽府解州聞喜縣主簿爾尚恪盡乃心使  
政平訟理民安物阜斯爲稱職矣爾其懋哉

洪武十一年三月二十九日

勅命工部營繕司主事李訓

勅曰工部掌天下百工山澤之政令其屬有四各  
置郎以掌之而協贊其事者亦必得仁乃克今爾  
承德郎工部營繕清吏司主事李訓握自冒監簡

屬冬官亦既有年克勤乃職茲持責以寵章錫之  
勅命服此隆恩益懋厥職以稱朕任使之意欽哉  
洪熙元年五月初八日

勅封工部營繕司主事李頌宗

勅曰朕惟爲人子者孰不欲顯揚其親也凡人臣  
能宜力效職者朝廷必推恩以報其親所以慰爲  
臣之心而勸天下之爲孝者也爾工部營繕司吏  
司主事故父李頌宗善裕厥躬慶延于後是致有  
子效用于朝推厥本原宜有褒頌今特封爾爲工  
部營繕司主事九原不昧尚克承之

洪熙元年五月初八日

誥命工部虞衡司郎中李訓

制曰國家用人所以熙庶績故有其效者則必有  
欲進之典焉爾行在工部虞衡清吏司郎中李訓  
累佐郎署克效勤勞歷年茲多是用陞擢益克志  
懋宜有寵褒茲特進爾階爲奉政大夫錫之誥命  
夫憲成而怠君子不爲也尚益奮勵以典爾庸欽  
哉

宣德七年二月二十二日

制曰夫婦人之大倫故朝廷推恩於臣必及其室

爾行在工部虞衡清吏司郎中李訓妻劉氏克相其夫茲特封爲宜人。此榮恩母忘警戒欽哉。

宣德七年二月二十二日

誥贈工部虞衡司郎中李顯宗

制曰國家惟思臣下爰及其親者所以勸孝也而何間于存沒哉行在工部虞衡清吏司郎中李訓故父李顯宗慶鍾厥子而祿養不逮揆其所自宜有顯褒今特贈爾奉政大夫工部虞衡司郎中靈其不昧尚克承之

宣德七年二月二十二日

制曰朝廷令典群臣能任國事者必推恩以及其親固以旌勞亦褒君其所生也行在工部虞衡司郎中李訓母許氏有子登庸宜錫茂恩茲贈爾爲宜人靈其歆承永貴幽壤

宣德七年二月二十二日

勅命吏科給事中毛志

勅曰國家設六科給事中所以平奏述詳命令審覆是非駁正遺失其任重且要矣非得恭慎端且之士曷克稱焉爾吏科給事中毛志修身賢科任斯職歷年載久茂著才猷茲特進爾階級仕

錫之勅命以示褒榮夫居近侍之職在誠大體而  
畧細故扶正直而進讜言爾宜益端乃心勵乃行  
毋徇母激懋于厥官尚有顯秩待爾後成欽哉  
勅曰夫婦人倫之始故朝廷推恩群臣命必及之  
者所以厚恩義重風化也爾吏科給事中毛志之  
妻簡氏克修婦道善相其夫夫既顯榮爾亦借貴  
茲特封爾為孺人服此榮恩永光閨壺

成化四年十二月初八日

勅封吏科給事中毛政

勅曰朕惟人子皆欲顯其親故群臣之任職者必  
有推恩之命所以體其心而勸其孝也爾吏科給  
事中毛志之父毛政義方訓子效用于朝質厥所  
由宜隆恩命茲特封爾為徵仕郎吏科給事中爾  
其欽承毋忝嘉命

勅曰孝子愛親豈有存沒之間故朝廷推恩臣下  
必及焉者所以體其心而重大倫也爾吏科給事  
中毛志故母史氏有子能官祿不逮養邇惟所自  
宜錫褒榮今特贈爾為孺人服此隆恩永賁幽壤  
成化四年十二月初八日

勅封南京山西道監察御史簡澄

勅曰朝廷設監察御史欲其振風紀舉憲綱激濁揚清以弼成國家之治也匪得廉慎剛明之士曷克稱焉爾南京山西道監察御史簡澄發身賢科擢任風紀歷年既久聲績著聞宜錫寵恩以旌勞勩是用進爾階文林郎錫之勅命以爲爾榮夫官以察爲名以言爲責貴乎畧細故而存大體扶君子而抑小人爾尚益正乃心益潔乃行毋私于法毋撓于勢毋訐以爲直毋苛以爲能夙夜<sub>恭</sub>脩用光寵命欽哉

勅曰婦從夫貴不以存沒而異恩蓋重人倫之始以敦風化之本也爾南京山西道監察御史簡澄妻張氏夙敦婦道善相其夫命之不齊曾弗偕老茲特封爲孺人九原有知服斯寵命

勅曰國家錫命群臣必及其室家者所以嘉內助之賢重人倫之始也爾南京山西道監察御史簡澄妻毛氏恪脩婦道允宜厥家茲特封爲孺人服此榮恩永賁閭閻

成化八年 月

勅封南京山西道監察御史簡榮

勅曰朝廷任用才能以勵夫臣之忠因<sub>特</sub>恩典以

遂夫子之孝故親雖不存而命必及焉爾一榮乃  
南京山西道監察御史澄之父淳德履善二于義  
方訓子有成爾乃早歿揆其所自卹典宜三茲特  
封爲文林郎南京山西道監察御史九原有四  
此寵命

勅曰孝子之愛其親者靡有存歿之間故朝一推  
恩臣下必及其親所以體其心而重大倫也二爾  
京山西道監察御史蘭澄母伍氏慈惠之善蓋三  
于閨門有子登庸爾乃早歿推原所自卹典宜四  
特贈爲孺人服此塗恩永貴五喪

成化八年 月

勅命羽林前衛經歷一盧泰

勅曰國家兵衛之設所以分理軍政長貳皆以武  
臣處之至于幕一職亦必得人乃堯有濟爾羽林前  
衛經歷司經歷二盧泰始由才諳擢居是官歷任三  
多考績惟稱四用五天授爾階徵仕即錫之勅命以爲  
爾榮其益盡乃心毋怠厥事欽哉

勅曰夫婦人倫之始故朝走推恩臣下命必及之  
不以存歿而有間也羽林前衛經歷盧泰妻李氏  
克相其夫而乃一丁歿茲特贈爲孺人九原有知服



此崇命

勅曰國家推恩肝臣而必及其室家者所以重人倫也羽林前衛經歷盧泰繼室王氏克勤內助茲特封爲孺人服此崇恩毋忘儆戒

成化十三年七月十九日

勅封羽林前衛經歷司經歷盧泰

勅曰朕惟人子之孝皆欲頌其親故群臣之任職者必有推恩之仰所以体其心而勸孝也爾盧泰乃羽林前衛經歷司經歷盧泰之父訓成厥子克舉其官茲特封以徵仕郎羽林前衛經歷司經歷爾其祇承母忝嘉命

勅曰朝廷褒寵任職之臣不惟榮其身而又及其父母者所以重本源也爾李氏乃羽林前衛經歷盧泰之母有子能官皆爾善訓所致茲特封爲孺人服此隆恩永綏祿養

成化十三年七月十九日

勅命刑部司獄司司獄吳斌

勅曰國家嚴慎刑獄設國以司罔罔非特謹獄具而已亦將時其衣食制其寢處使麗于此者知朝廷矜恤之仁焉爾刑部司獄司司獄吳斌早由才

諸擢任獄官歷年滋深克慎且勤是用進爾階登  
仕佐郎錫之勅命以爲爾榮尚益進乃心以副朝  
廷慎獄之意欽哉

成化二十三年 月

勅命刑部福建清吏司主事馬龍

勅曰刑部古司寇之任欲其慎刑罰以重民命故  
置屬詳于他部而必遴選其人以任之庶刑不濫  
而民不枉爾刑部福建清吏司主事馬龍發身賢  
科擢秋官屬歷年既久茂著能聲宜錫寵恩用旌  
勞勩茲特進爾階承此德卽錫之勅命以爲爾榮爾

其益懋進脩務使刑濇而民服庶稱朕委任之

欽哉

勅曰妻與夫齊人倫之正也肆朝疋推恩未  
必及焉爾刑部福建清吏司主事馬龍妻張  
謹婦道以相其夫夫既顯榮爾宜借貴茲特  
安人命服之華永光閨闈

成化二十三年十月二十八日

勅封刑部福建清吏司主事馬海

勅曰孝莫大于顯揚恩重厚于褒卹朝疋寵  
臣而必及其親者所以崇孝理而示激勸也

海乃刑部福建清吏司主事馬龍之父讀書過  
晦迹林泉訓子登科居官稱職養雖不違恩則  
惟茲特贈爾爲承德郎刑部福建清吏司主事  
其不昧尚克歆承

勅曰親之愛子期于成名子之孝親志于顯親  
朝廷推恩臣下必彰其訓子之勞而遂其顯親之  
願也爾楊氏乃刑部福建清吏司主事馬龍之妻  
賢行夙著于閨門慈訓能成乎令子邈惟所自可  
綏褒章茲特贈爲安人服此沐嘉用光泉壤  
成化二十三年十月二十八日

誥命刑部湖廣清吏司署郎中事員外郎馬龍  
制曰刑部古之秋官而置屬特詳蓋職專邦禁大  
小刑獄係焉非得廉恕明慎之士曷克以稱爾刑  
部湖廣清吏司署郎中事員外郎馬龍發身賢科  
累遷今職歷年茲久克慎且勤宜錫寵恩以旌勞  
勩是用進爾階奉直大夫錫之誥命以爲爾榮尚  
體朕欽恤之意懋脩厥職毋縱母苛用昭時譽爾  
惟欽哉

制曰朝廷推恩辟重而必及其配者所以示從夫  
之義彰內助之賢也爾刑部湖廣清吏司署郎中

事員外郎馬龍妻封之女人張氏溫柔慈惠婦道恪  
修夫既有遷秩之榮而宜膺申命之貴茲特加封  
爲宜人服此隆恩永光閨閤

弘治三年十月十一日

誥贈刑部湖廣清吏司員外郎馬海

制曰國家寵任事之臣而推恩必及其親者所以  
勸忠于孝也而何間干存沒哉爾贈刑部福建清  
吏司主事馬海乃刑部湖廣清吏司署郎中事員  
外郎馬龍之父善積厥躬慶正于後昔嘗因子之  
貴已推廢贈之恩今茲宜加卹典茲特贈爾  
爲奉直大夫刑部湖廣清吏司員外郎尚克承之  
永慰冥漠

制曰孝莫大于顯揚恩莫隆于褒卹肆朝廷推恩  
群臣而贈必及其親者所以崇孝理而示激勸也  
爾贈安人楊氏乃刑部湖廣清吏司署郎中事員  
外郎馬龍之母賢德夙著于閨門慈惠能成乎令  
子祿養不逮恩典宜推特加贈爲宜人命服之華  
永賁泉室

弘治三年十月十一日

勅命廣東直監察御史王光

勅曰國家設風憲之職以監爲名內肅百僚外  
群服于事未始不得預于言無所不得陳愾責任  
之甚艱肆班行之特重匪蕪才行曷稱簡求爾廣  
東道監察御史王光那榜魁英甲科高第首居邑  
令茂展民庸賢勞累奏于旌書顯秩超遷于臺憲  
抗章廷陛論列有聲按部藩方激揚無忝矧官箴  
之克守肆行檢之事彰考最既書寵褒宜示茲特  
進爾階文林郎錫之勅命於載爲政莫難于風紀  
已徵名績之良事君務在于忠誠勿替初終之節  
益臻來效以示登崇欽哉

勅曰婦專饋祀儀刑不出于閨門國重褒封寵命  
必均于伉儷况乃賢能之配可無推錫之恩廣東  
道監察御史王光妻姜氏儀度周詳性資婉嫕秀  
鍾舊族德媿英流禮儀相成志不違于姆訓勤儉  
日勵動必協于家規婦道既脩褒章宜錫用旌內  
助式耀中閨茲特封爲孺人尚敦祇慎之風益  
駢蕃之寵

正德十三年 月

勅贈廣東道監察御史王高

勅曰朝廷待士之恩莫重于褒錫人子報親之志

莫切于顯揚矧惟世宦之良克懋家傳之業肆推  
恩命奚間存亡爾故山西平陽府河津縣縣丞致  
仕王嵩乃廣東道益察御史光之父學瞻才優行  
修志篤業成冑監官列花封守已愛民方馳聲于  
佐政投閒歸老遂樂志于田園顧惟令子之登庸  
實出義方之貽訓揚清激濁名振蓬網錫類追崇  
光生泉壤國典方新而未已慶源斯衍而彌昌茲  
特贈爲文林郎廣東道監察御史庶其未泯之靈  
歆此至優之渥

勅曰母德兼乎教育與父式均君寵重于褒崇惟  
臣是勸顧乃忠賢之績足徵慈範之良風教是關  
爲明罔間爾益氏西廣東道監察御史王光之母  
慈孝夙全儉勤兼至系由名族嬪于儒門秉正道  
以相夫功光仕籍佐義訓以成子榮陟憲臺顧風  
紀之茂彰已泉高之久閭養遺孀登報德之願徒  
勤光賁絲綸追卹之恩宜厚茲特贈爲孺人匪徒  
慰懿靈于九原亦以播休風于奕世

正德十三年 月

誥命中憲大夫保定府知府王光

制曰親民之任在郡守爲甚隆錫命之榮在司封

爲尤重蓋法有定制而恩有特施凡沾旌獎之名  
必在褒嘉之列爾直隸保定府知府王光拔雋賢  
科列官劇邑比入選于憲府載出守于名邦恤民  
存懼憐之心恒敦善政慶事勵公勤之志不替官  
箴爲剡交騰聲稱茂著肆加恩寵用獎賢勞茲特  
進爾階中憲大夫錫之誥命於茲養民以施惠爲  
先已徵嘉績保譽以永終爲善益勵初心尚有崇  
階以需來效欽哉

制曰臣有事君之功家隨以顯妻有從夫之義身  
與共榮國典俱存曩倫似繫直隸保定府知府王  
光妻封孺人姜氏出自名族嬪于儒門順正從夫  
志不遠于姆訓勤儉率下動必協于家規載錫褒  
章用旌賢德特加封爲恭人益虔敬戒之心以迎  
嘉祥之至

嘉靖三年 月

誥贈中憲大夫保定府知府王高

制曰臣之賢能既稱其位而勞于國君之褒命必  
榮其身以及其親豈但推恩用申不遺之義亦惟  
報德以盡罔極之心爾贈文林郎廣東道監察御  
史王高乃直隸保定府知府光之父稟質純良持

身動慎蚤登仕籍晚樂田園眷惟賢嗣之成才益  
表陰功之素積內臺奏績已荷追崇外郡遷官再  
申推錫茲特加贈爲中憲大夫直隸保定府知府  
非惟彰裕後之休亦以著光前之美

制曰母德薰乎教育與父實均君寵重于褒封惟  
賢是勸幽明罔間今古弗殊爾贈孺人孟氏乃直  
隸保定府知府王光之母稟行純良持家勤儉相  
夫以禮教子多勞逮今四品之崇階已棄三牲之  
至養載頒寵命用慰孝思茲特加贈爲恭人諒增  
耀于九原尚垂休于百世

嘉靖叁年 月

勅命鴻臚寺序班董仲

勅曰朕惟鴻臚之職典司朝儀爲國近侍厥責攸  
重必得其人乃克稱焉爾鴻臚司序班董仲敘身  
宵盥擢任今官勤慎著聞宜有褒勸茲特進爾階  
登仕佐郎錫之勅命爾其益盡乃心修乃職以俟  
顯擢光我訓詞欽哉

嘉靖十年 月



陽武縣志卷之八

藝文志

夫文以載道亦以紀事故易曰觀乎人文以化成天下文之義大矣陽武邑雖瀕河風稱文獻人士往往有記述題詠足以彰往詔來維風貞教第世遠人湮僅存一二使不披拾著之於編易以爲後之考人文者之徵鑑也故作藝文志

文

東昏庫上里社名

社祀之建尚矣昔在聖帝五行之官而共工子句

陽武縣志卷之八

藝文志

夫文以載道亦以紀事故易曰觀乎人文以化成天下文之義大矣陽武邑雖瀕河風稱文獻人士往往有記述題詠足以彰往詔來維風貞教第世遠人湮僅存一二使不披拾著之於編易以爲後之考人文者之徵鑑也故作藝文志

文

東昏庫上里社名

社祀之建尚矣昔在聖帝五行之官而共工子句

龍爲后土及其沒也遂爲社祀故曰社者土地之  
主也周禮建爲神位左宗廟右社稷我醜攸行於  
是及服土膏恒動於是析農又班之於兆民春秋  
之中命之供祠故自有國至於黎庶莫不事焉惟  
斯庫里古陽武之戶牖鄉春秋時有子華爲秦相  
漢興陳平杜率遂佐高帝克定天下爲右丞相封  
曲逆侯永平之世虞延爲太尉司徒至嘉平延弟  
會孫放字子鄉爲尚書外戚梁冀乘寵作亂首策  
誅之王室以續封爲都亭侯次僕太常司空毘天  
子而維四方克措其功往烈有常於是司監爰及  
邦人僉以爲宰相維維咸出斯里秦一漢三而虞  
氏世焉雖有積善餘德終身之政亦斯社之所相  
也乃與樹碑作頌以示後昆惟主是祀明事百神  
乃顧斯社于我兆民明德惟馨其慶丰彰自羸及  
漢四輔代昌爰我虞宗乃世重光元勳既立錫茲  
土疆乃公乃侯帝載用康神人叶祚且巨且長凡  
我里人盡受嘉祥刊銘金石永世不忘

都水監丞蒲公樹石埽銘 范構稟延人衛州教授

費省而防患重力小而 尤功多前世所未能後人

不可易斯國家之長利 惟天下之偉人能之今水

監丞蒲察公之行河有 是哉若夫河之發源也從

夷虜之外經涉也遠故 海瀆之水附會者多歷砥

柱達孟津脫乎深谷之 丁放乎平地之上喧虺勃

怒洶湧崩奔雪浪霜濤 盡鏡而止及夏秋之交兩

潦之注決旬不開洪水 沈流兩堤之間瀰漫者極

望瀕河之民憂危者千 主嗟手斯河之病民也不

爲不甚矣則國家之備 河者不爲不周矣方橫流

響觸水與土爭不化肥勝而爲水所克於是乎捲埽

之功進焉捲埽之成 高與濶各相等其長二十五

步工之數五百有餘 薪芻之束竹木之費四千有

六百水之深者其埽 壘繼至於再至於三隨成毀

泛然去之由雄武以 下自東自西至濟陰之定陶

四百里而遠護岸之 埽相望不絕物之所費歲無

慮千萬里工則加倍 焉當其漲怒之日風霄護視

雖經風雨不敢去歲 率如此則力殫且疲矣公至

之日憫其困庠謂其 從屬曰凡物之理也以強抵強

則亡以剛駁剛則傷 以惟至柔能勝天下之至強至

卷之八 七

弱者能制天下之至剛今以埽押河豈有不勝其弊者驟出不意附河居民不係林塢間斃其木之不采者官給之價懸以竹繩壓以石段順流以積壘之目之曰樹石埽當奔流齧岸之際待以柔弱卒土不與爭水無所肆其怒委靡而過且墊且補間以七木雜草實之形制與旧埽相等而費財者百中一二其徒工者且暇矣沿流數百里間物咸不賞豈爲小補之哉自時厥後雖涉漲溢一無破决之患人將貢枕尚何歎其危乎公治河績有如此者公名鉉字昂臣瑞州人也家世富貴幼以人

品魁偉文武兼資選補親衛章廟明昌中調陽武埽巡河秩滿以才幹留本監補官歷三考以其久識河利害故上官保充監掾再閱歲陞爲監丞明年又授河平軍節度副使兼都水監丞乃今職也頃因虜賊負恩克突而南直抵河瀕而千里內煙火蕭條公以國家中興之勢視河南爲重地慨然力陳守河之策廷對者三既稱旨者以行欄通渡之南岸舊泊船數十艘非奉行樞密東院止者不得渡時山東河北流民之避賊者老幼萬餘阻擁岸以不得渡甚切哀鳴公見惻然曰人之垂死坐視

不救仁者之心固如此乎當亟爲之拯救官雖見  
責我何誨焉令發船盡濟以過僅畢賊衆奄至無  
肆其兇殘 今主上見知即遣使以命符賜公且  
命提控沿河公事公佩命之日遠近識與不識者  
皆曰得人矣初公爲監旬日從叅政與屯公開等  
攔道河勢欲解北岸之危規模長遠爲衆所服既  
卒事河汭流而東至今公私賴之場武埽堤之區  
有昭烈聖后廟當公爲巡河時公拍已俸以增修  
之及去後甯不之顧歲久毀漏上雨旁風無所蓋  
障今而再至也發家貲以葺新之公讀書好士重

義輕財敏捷慷慨行已立家邁任氣吐之爲文辭辯  
捷無疑施之政事剖決如流威而不猛寬而有制  
人固畏而愛之樂爲之用質其施可謂上不負其  
君下不毒其下民宜乎一國家寵之神明相之其爵  
祿壽考去之有艾延及子孫者遠矣何其上爲君  
檢察總押李斯孟監內蘇道微李經巡河大元中  
趙仲和李仲溫於公實左右之慮歲月滋久將煙  
沒而無聞飛尺書具行實求文其美而識之義不  
獲辭遂爲之銘銘曰昔禹行河功萬世賴隋成法壤  
河遂爲害過洛東之堤崩崖隳人以力支力有時

疲今公之至不力而知一行無所事順河之勢貴省  
而民憂焉吾石無勞以臣寒河負薪涓涓萬里狂  
瀾盡拜會百川水朝亦海矣丘山君恩勒目公勤  
民愚而神知謝其仁也不容口以貽厥後青翠鐘  
就功光不朽

重建陽武縣記

丘馬莆田人儒學教諭

陽武開封屬邑也民物繁富最諸邑洪武辛未河  
水奔入邑之西南民廬蕩杵濱河耕稼地淪沒浸  
流失業者累衣食於道竄雖租稅蠲免竟不聊生  
始予到茲土也見其六鄉井蕭條率邑者苟於政務

廢墜其綱紀視民之瘡痍俗之頽靡縣學舍之

朽弗復旋秦肥越瘠之弗相顧也正統戊辰河水

大爲民患倏轉入新鄉縣境離茲五十餘昔而淪

沒漫流也復場隴耕稼天運借環碩果不食又轉

而復之泰景泰癸酉我大夫閔郡陳公永宗氏來

尹茲土下車初教然以興起斯文爲己任詢民俗

察民情有利可久者與之無益終弊者去之招通

寬息因倅均田土不加豪強越明年適者漸復困者

漸蘇視在邑民不少曠土多遂界爲衢延招其願

者左右居之分集場於新界地故人競利而先處

美始邑之廬者餘五百今幾於千又明年復者聚  
居者安年亦成民俗以和適九月朔謁廟講餘  
徘徊顧視而興歎曰縣廳學舍入于弊予作宰者  
之責既回縣召耆彦而謫議建學之堂庶開縣之  
廡宇改作黉棧之循創立鍾樓之新鑿八宝門於  
城之西北隅移山川壇於邑之南郊至於儲積之  
倉養濟之院藩臬之分舖舍公館靡不營而理之  
由是貨助材能者獻技棟樑巨木卑而輿輟獲稱  
微末積而少堆若乃石之琢者斲之運者木之鉅  
者芥者土之基者凡之蓋者凡有用之工莫不予  
來趨事先建琴堂抱厦次幕廳儀門次六房藏庫  
以序而成縣佐鄆縣任公鑑同州董公九臯主簿  
襄垣梁公恕幕賓金鄉殷公銘咸相慶曰我僚長  
因民新廡宇吾濟靡用心力樂享其成良非偶歟  
又明年四月將終堂宇際成新幕賓章丘楊公泰  
至自云一官新任何幸官廡亦新雖予來之適然  
願儘力贊督於萬一經始於景泰六年十二月落  
成於明年五月堂高二丈一尺廣四丈二尺廊庭  
高朗不侈而靡不朴而陋煥然一新曩過於昔是  
月十八日丙戌陳公三載秩滿期鄉之耆英陳元



等數百人念創造非偶成功不易刻石求予記諸  
永久竊惟脩縣治興學校固令之職然因民之心  
順時而舉亦可謂知所務矣予儒君子也不敢以  
虛辭佞謹述其德政爲去後之思焉是爲記

重建陽武縣城垣記

陽武古邑也其令王公名佐字廷輔者直隸蘆龍  
故家登天順改元進士第越四年奉 欽授今歲  
下車以來庶律已仁愛民恒言曰今上而有司府  
督責下而有群黎瞻仰又等而上之則有 朝廷  
考察其政績得失黜陟之典由是而定賢侯知此

所以凡邑中農桑學校戶口錢糧詞訟息盜於政  
之所當爲者靡不憂勤惕勵謀諸僚佐資諸賢哲  
以理之不三載政化大行六事兼舉又慮舊城狹  
隘傾圮恐失保障爰始爰謀既卜乃吉神人用協  
始分督工時則同寅縣丞董九臯司教主簿粟恕  
典史楊泰信其地以廣其城規添其壕澗四圍錦  
垣爲里者九肇工於天順壬午仲春落成於是歲  
孟夏城厚丈二餘其高倍之出入有門啓閉有時  
侯之爲此者豈要譽于人哉不過爲所當爲而使  
邑民獲其所耳然侯既有愛民之德則人之被其

德者寧不思所以報之乎然款報以金玉侯之寡  
款也款報以輿馬侯之所不尚也款報之以幣帛  
侯之薰靜也三者既非侯之所欲然圖其所報者  
莫如立石以紀二馬由是邑中耆老賢士大夫輩  
相率屬予文以記之余曰立碑頌德古之所尚也  
今之為此者是以嗣續而終之耳可見世有古今  
而理無古今人有古今而心無古今自非侯之德  
澤決心淪髓嚙血膚試於是用書堅珉以示不忘  
斯文傳諸悠久則賢侯德澤亦相為悠久而無  
變也

城之築而仁也我萃馬傳曰未有好仁而下不好  
義者也其斯之謂與故復係之以詩曰天生斯民  
蚩蚩蠢蠢天子念之粵惟邦本爰簡厥官以治以  
安救其疾苦恤其飢寒惟茲陽武寔居中土王侯  
至止俾民得所正民之德閑以義理安民之生閑  
以城廓方其謀始老幼咸喜迨有事焉民來如子  
嚶嚶極土登登鳴杵樂事勸工弗勝設設百事幸  
與其直如繩一杆外衛內民日以寧民既寧止念其  
所自皆曰賢侯至德所賜爰琢堅攻文字是鐫思  
垂厥美億萬斯年

重修陽武縣廟學記

楊一清 遼菴吏部尚書

予往年提學陝西僚友憲副陽武馬公汝霖嘗以  
其邑廟學重修記見屬余辭之曰近世求記修學  
者率多虛文無實事徒以爲博士弟子取悅有司  
之地吾不能一爲之汝霖曰吾所屬者異於是吾邑  
之學始建於洪武之三年厥後屢弊屢修因陋就  
簡率弗稱所觀邇歲乃大弊無以妥靈居業邑侯  
張君至顧而嘆曰廟學至此吾輩之責也乃節冗  
儲羨心畫而簿記之積其贏貲若干繼曰此足吾用  
藉民之有力者王吳李孔章輩曰此任吾役簡於  
衆得訓科李景義官李祿曰此辦吾事乃刻日備  
物木石甃甃以爲材型治縣繪以爲具絕度構結  
礮斲塗飾以爲工隘拓而廣故撤而新不三月廟  
之制爲大成殿爲兩廡爲戟門櫺星門爲神厨禔  
學之制爲明倫堂爲兩齋爲號爲倉爲射圃爲  
左右二坊次第告完視舊觀不啻數倍邑士夫縉  
紳僉曰此張侯之德何可無述而舉人吳英生員李  
振輩以先生職在斯文故因龍以請其母辭予曰  
諾然未有應也無何予被召命上京師道出開封  
距陽武甚邇問諸隣邑之人曰然問諸藩臬大夫曰

然及復之曰今之色全其在學稱提調官提調之  
任有養有教時康餼竭戶役其養也課文藝懲游  
惰其教也然必崇其所瞻依飭其所居止使之  
志慮移氣體則教不徒法養不徒惠不然則雖嚴  
驅力禁強而使之學亦散渙流蕩安能有所得哉  
嗚呼廟學脩而張侯提調之責塞矣聞其所謂養  
與教者復稱是自今伊始德不加脩業不加成玩  
時愒日無奮迅作興之益果孰執其咎哉請以是  
為諸士子勸侯名林茂直隸保定府滿城縣人他  
政事可述者尚多以無與于茲學故不著學完於

弘治戊午孟冬以辛酉秋八月記成

陽武縣鄉賢題名記

原崇禮

陽城人儒學教諭

洪惟我朝設學校以教民由內及外大小有序民  
無不入於中而受學焉所以教之之具因其天性  
之秉彛為之品節開導而勸勉之俾為士者務臻  
成效其教人之法誠足以追唐虞夏商周之盛也  
况陽武為多賢之邦涵濡聖化之久士子由科貢  
而出者繩繩焉後先相望登進士而顯者彬彬焉  
項背不絕倚仗盛茂人材之盛如此且鳩工鑄石  
置之泮宮以為來學勸宗禮與同寅務容典教

以來恒以是舉爲念但事未克濟耳時河南按察  
司提學副使天台陳公選視學之初樂夫人材之  
盛惜乎題名未有無以激勸後學即謂知縣景源  
立石於學命宗禮爲文并疏其名而記諸首不惟  
使已出者勞聲之不泯亦使將來者感發而有爲  
是以朝廷得實學以資任用寧非自科貢進士  
中來乎凡今之士游於學校而未獲乎此之榮者  
豈不爲汗然之自愧哉今陽武科貢進士已往者  
固已勒諸壁珉昭示永久其將來之士當景仰先  
哲朝夕觀其名氏必指而思之曰某也由科貢而

登進中副榜者皆顯庸於時吾奚可怠惰而不企  
此乎某也由歲貢而拜頭官躋仕者皆揚芳烈於  
世吾奚可暴棄而不希彼乎將見爭相激勵愈出  
俞奇是則題名之設不爲無益謹書之以爲記

重修城隍廟記

賈昶潁川人翰林院編脩

百神之祀禮所必謹有天下者之所有事焉者也  
其在 朝廷祀之大者曰天地宗廟社稷其下至  
於 王國郡邑亦各祀其封內山川社稷暨能禦  
災捍患而衛乎民者載在國典不容少替亦不容  
少忽其不在此類者曰淫祀而毀之抑又有事緣

義起從厥假好於民迹之誠有可祀祀之非濫若  
今所謂城隍其一也夫城隍在天下自京都以至  
王國郡邑在在有之皆崇以祀而國典詳其神亦  
莫究其所自起惟守令牧民者下車必祭朔望必  
謁例與孔子廟同而有事行禱民猶祇憚故有陰  
陽表裏之稱我 祖宗創業垂統制禮定祀其論  
天下春秋厲祭必使生之加以封號由此而觀雖  
國典不載其神而封爵固存考之湯曰城覆於隍  
城則築土為之隍則城下池也王公設險以防外  
虞高城深池意必有尸之者此神所由名祀所由起

凡若此者豈非義有可祀祀之以順於民哉且禮  
有蜡祭亦有常儀而况名號昭然自先帝先農鄴  
表啜坊庸下至豨豨昆蟲之屬亦有常儀而况名  
號昭然民之攸賴無不通有感必應者哉湯武  
縣城隍廟在縣治艮隅南向開創無考有司歲時  
祇奉如禮有禱祠下福善禍淫往往不奕禦災捍  
患民固恃之歲久頽弊官方事修葺舉未果邑之  
人王昊李孔章趙諒孫鵬賈偉樊盛簡彙毛信同  
心殫力不協而齊誓不私一物各捐已貲及募富  
民好禮者圖維新之於是遐邇輸資雲合鳥集遂

拓地築基市材鳩工起王殿兩廊中門外門殿五楹廊百二十楹門六楹皆雕染繪壁崇簷峻阿殿貌神像廊擬司曹考察善惡狀事若不經主昭鑒成允以化民善俗而已其規模大濶祠宇森嚴金碧輝映足聳觀瞻而妥神昭勸也厥功偉哉肇弘治戊午歲壬戌秋而成邗進士吳君文宣義其事不歆民沒既作縣樂陵移書抵京求爲記予於文實有同年誼亦嘉八人而重其請矧是神之靈有裨於官有功於民有教于風化血食茲土而來斯人之敬事因焉遂送神曲二章勸之靈牲俾有事於神者歌以侑饗不使妖巫淫妓以致其襲神其有取諸此邪

重建漢壽亭侯廟記

周曼 麻城人本縣令

目三代衰王政廢世之隨世就功名者多矣當漢之末群雄雲擾求其有能伸大義扶綱常支一木於大廈將傾之際屹砥柱於頽波既潰之餘者落落如晨星然殆夫二國鼎峙豪傑縱橫河東有姓關名羽字雲長者爲熊虎之將扶綱常之主鼓忠義之氣破奸雄之膽侍漢烈誓同生死今日與吳敵明日與魏討奉以恢復中原爲事故自漢唐以

迄於宋或以侯封或以公謚而義勇武安王之爵  
以斬而加焉切以我勇之謂何也觀其曹操之王  
有不可留使人以情逆之王乃嘆曰吾知曹公待  
我極厚然吾受劉將軍恩誓以共死不可背之要  
當立効以報曹公乃去義之在天下也孰得而掩  
之比袁紹遣將顏良攻劉延於白馬王承操命刺  
顏良於萬乘之中斬文丑而還袁紹軍莫能當者  
其勇之在天下也又孰得而過焉惜乎事幾垂成  
而禍生不測當之擒於下邳奔於袁軍保於麥城  
終於章鄉此天未欲保全於漢而有素於王之素

志也雖然王之大小數如此疑若天道無所知矣但  
使王之義勇炳世如星海宇廟貌血食萬世豈非  
天道無知而不屑其報耶陽武屬開封開關以來  
有王之廟立於北城門外宣德丁未邑民孫敏等  
創建未備景泰丙午民有柴岩薛英等重脩廟像  
僅有瞻仰成化乙未辰廟復傾頽且廟於城門向有  
稍偏邑民王文益等毅然捐貲以質木石鳩工  
作殿宇塑神像以碧燦爛煥然一新其向始得與  
城門對而壯觀也矣若夫地界之延袤閣狹堂廡  
之間數多寡開之碑陰于忝令是邑曾以災患輒



禱而捍禦之始心王之義勇與天地相爲攸久而  
不泯矣廟宇落成薛欽等求記立石以垂永久予  
欣然以王之伸六義扶綱常始末以塞其請求王  
之真發所未發以俟後之君子悉焉

漢陳孺子蹟

毛志邑人吏科給事中

陳平字孺子家分只好讀書有田三十畝與兄伯君  
伯常耕田縱平少時爲里中宰社肉甚均父  
老曰善陳孺子之爲宰平曰嗟乎使平得宰天下  
亦如是肉矣後伯脩武因魏無知求見漢王召入  
賜食遣罷就舍平曰臣爲事來所言不可以過今

日於是漢興語而悅之問曰子之居楚何官曰爲  
都尉是日即拜平爲都尉使爲參乘典護軍儲  
將盡謹曰大王一月得楚之七卒未如其高下而  
即與同載反使監護長者漢王聞愈益幸平周勃  
灌嬰等言於漢王曰陳平雖美如冠玉其中未必  
有也今日大王尊官之令護軍臣聞平受諸金願  
王察之漢王疑之召讓無知無知曰臣所言者能  
也陛下所問者行也今有尾生孝己之行而無益  
於勝負之數陛下何暇用之乎楚漢相距臣進奇  
謀之士顧其計誠足以利國家爾如此又何足疑

乎漢召讓平曰先生事魏不中事楚而去今又使  
吾游顧不信任乎平曰臣事魏王魏王不能用其  
說故去事項王項王不能信之其所任愛非諸項  
即妻之昆弟雖有奇士不能用聞漢王能用人故  
歸大王臣裸身來不受金無以爲質誠臣計畫有  
可采者願大王用之使無可用者金具在請封  
官得請骸骨歸漢王乃謝厚賜拜爲前官諸將乃  
不敢復言一旦漢王謂平曰天下紛々何時定乎  
平曰項王骨鯁之臣亞父鍾離昧龍且周敖之屬  
不過數人耳大王誠能出捐數十萬斤金行反間

間其君臣以疑其心而大王爲人意忌信讒必內相  
誅漢因舉兵而攻之必以楚必失漢王曰善乃出黃  
金四萬斤與平恣所欲不問其出入平多以金縱  
反間於楚軍宣言諸將鍾離昧等爲項王將功多  
矣然終不得裂其地而王欲與漢爲一以滅項氏  
而分王其地項王果疑不信鍾離昧等圍漢王於  
滎陽急亞父勸羽急攻滎陽漢王患之項王使使  
至陳平便爲大牢且舉進見楚使即祥驚曰吾以  
爲亞父使乃項王使復持去更以惡草具進楚使  
楚使歸具報項王項王大疑亞父亞父欲急攻下

崇陽城項王不信不肯聽亞父聞項王疑之乃怒  
曰天下事大定矣君王自爲之願請骸骨歸未至  
彭城直發背而死果中其計王即位封戶牖侯高  
帝擊冒頓先至平城兵未盡到冒頓縱精兵四十  
萬騎圍帝於白登七日漢兵中外不得相救餉乃  
用平秘計使使問厚直問氏問氏謂冒頓曰兩生  
相因今得漢帝兩單于終非能居之也乃解圍之  
一角會天大霧漢王出人往來匈奴不覺平請令  
疆弩傳兩矢外邪從解角直出至平城大軍亦到  
胡騎遂解去遂封平爲曲塞侯盡食之平從帝從

伐凡六出奇計至文帝因平謝病問之平曰高祖  
時勅功不臣及誅諸呂臣功不如勅願以右相讓  
勃帝徙平爲左丞相勃爲右丞相一旦帝問右丞  
相勃曰天下一歲決獄凡何勅謝不知又問一歲  
錢谷出入凡何勅謝不知惶懼汗出沾背問左相  
平平曰有主者謂誰平曰陛下即問決獄責廷尉  
問錢谷責治粟內史帝曰苟各有主者而君所主  
者何事也平謝曰陛下不知其驚下使待罪宰相  
宰相者上佐天子主陰陽順四時下遂萬物之宜  
外鎮撫四夷諸侯內親附百姓使卿大夫各得任

其職焉帝乃稱善右丞相慙讓平曰君獨不來  
我對平笑曰君居其位不知其任耶且陛下即  
長安中盜賊數君欲強封邪於是絳侯自知其能  
不如陳平遠矣勃以此自免乃謝病請歸相印帝  
許之左丞相平專為丞相故先儒程子曰陳平雖  
不知道亦知學如對文帝以宰相之職非知學安  
能如此余後生小子忝生那邦景仰前哲揆拾諸  
史而為之傳云

創建大賓堤神祠記

鄭士庶前監察御史

正統二年春正月予來通判開封惟時藩臬大臣  
首勸民政乃一旃鄭士庶而進曰大賓堤為以保障  
城池外則防護民居田土比年黃河施雲堤決於  
團城之西百九十丈水延於大梁中牟諸邑民不  
堪命汝往大賓負修堤以防禦之子既領命至脾沙  
崗老人朱福等來見曰祠神祠請往謁之予以為  
必堤神之祠往謁觀其廟為河神殿朱福曰神舊  
祠在河北之濱後堤淤在河南乃遷神隨堤而祀  
蓋冀其有保安之意洪武末年迄今河六南徙堤  
經六寨神亦六遷宣德七年朔築今堤汝州判官  
蔣善森復祠神宇茲故九事於堤者必謁神以求

利益 語畢因詰之曰築堤何爲不祀堤神對曰  
堤神世無傳祀者是以不設也予聞其說心竊怪  
之以爲堤神正所當祀但未世其意既而與布政  
司都事同品一盧公正協相以董堤事凡三越月工  
畢朱福等偕八來請曰當告成於河神子乃復之曰  
黃河之在中 原從古爲患仁人君子所歆屏而不  
能者築堤所以禦此也築堤而祀神蓋必畏其害  
乃誦祀求堤以希鞏固之意今既累祀而不爾亨  
則不惟是神以不宜於堤蓋亡其所當事也况可獲  
告成於其祠以自古祀典之神皆以義起凡有功德

於民生日用者得以血食於其土 今之堤即古之  
防也古者祭防於蜡其義固有當一祀者矣况大賓  
之堤與洪流爲敵爲大梁之巨障 其衛民君有城  
隍捍禦之功足民食有社稷司土 之德雖無傳記  
是必冥冥之中有以主之者可不 斷之以義設位  
報祀而撤其非所祀乎于是謀于 都事盧公止設  
位于祠中曰大賓堤防佑民顯應一之神曰大賓堤  
防戊巳土之神曰辰戌丑未之神 曰停風息浪之  
神曰禦災捍患之神蓋取諸土能 克水之義而以  
禦災捍患佑民爲職也故改其額 爲大賓堤神之

廟而附告之曰惟神秉體坤元威靈赫奕爰已之  
司防患之職拒彼黃流拯斯墊溺衛我民若足我  
民食德配城隍功同社稷祠宇在茲世享無致悉  
撤其昔所列者遷於河之濱俾允無功德於民者  
皆得其擯存焉更立朱先俄而洪水泛漲諸堤皆  
潰獨大賓堤三十七里無恙衆謂宜書其事以垂  
諸悠遠因述其始末云

縣令劉公去思碑

呂鵬撰一元進士鄭圃人

國朝考功之法凡五品而下總二十有年而一代縣  
令亦如之士之任之者有來晏晏閱厥職猶傳舍

爾吏居傳舍之間自非恩威兩立而有以固結于  
民代終而歸民何賴焉然則民心果能固結乎惟  
其不庸心于其間則民始解矣古者吏以道而撫  
其民民以道而聽於吏撫聽之間惟道是存吏亦  
無心于其民民亦何知于其吏吏民刑迹初則兩  
亡迨夫行一政出一言惠孚感格民自感化固有  
不約而從無繩而結者矣故吏將滿民皆見思惟  
恐去之而莫能留也所以圖形思浚儀之明立碑  
頌蓋田之德是皆民心感發之深不能已也吏何  
嘗有意于民哉出于自然而然耳扶耨耨文炳

僕忝有十五年之舊文炳率陽武之二年代火在  
九年僕因秋中命駕往謁且欲問訊瓜期之行李  
甫至邑之耆舊十數輩造僕于旅次且曰是惟陽  
武扼汴京之衝接大河之防國信往來芻糧調給  
簿書叢委而訴訟紛拏我民不得平者久矣及劉  
君之宰吾邑也驚之以威奸頑斂迹而豪右縮手  
無衆寡強弱之凌暴于是乎民知其可畏涵之以  
恩獄罰公平而賦役和均無徒胥鄉邏之逼逐于  
是乎復知其可愛而又以廉自持飯飲之外無尺  
布斗粟之及于市終知其可慕恩威已孚廉潔已

真覆庇我民惟日而新行代還邑民思無以報夫  
既礪石矢將刻君之惠政及見去思之意願乞文  
于先生先生其毋辭僕曰爾來前爾何待劉君之  
歸耶君以融粹之才蚤聯桂籍一行作吏所居有  
聲蓋奉奉懇懇必以吏道爲師廉潔恩威非惟吏  
道之所當爲抑君之賦性如此發于其政特未即  
耳以僕竊君之心豈樂此沽名釣譽之區區也耶  
僕復緘言是贊君之德也耆舊曰雖然沽名釣譽  
固知君之不肯爲而感發知衆我民其能輟諸望  
先生成此邑民之志而文之敢不再禱僕曰善若

輩之心如此其堅固也必其固結之間有所不能解者固莫如...人之德深嘉邑民報德之心切乃擬耆老之說而文其碑乃係之以銘銘曰猗歟率君民心得考猗歟斯民不忘德考有來視茲惟君之式考 廬守正詩 縣治中皆古建碑刻皆刑辭詠遺詞絕絕踵武  
知多少鮮見令人去後思

蕭舉人孝行記

采源廬龍人本縣令

蕭成字世昌世為陽武人父處士諱通字士達知書計質直果毅母時氏諱淑佚性嫻庸世昌甫七歲淑佚卒撫於繼母傅氏諱淑純成童補邑庠弟子員錄總角甘淡泊重德業不羈流俗冠而著錄焚膏繼晷極深研幾雖寒侵暑通學不間數成化戊子科以禮部魁河南鄉薦明春會試不第援例依親讀書壬辰歲十二月處士卒喪從儒典哀慟如崩厥有令母淑佚遺骸安葬粥食別寢明年癸巳秋九月母淑純卒禮具悉敬其父有邑人李素



銘石于墳附葬已世昌直志不回拜語送喪姻曰  
子非死孝後悔何追即傍塚東作倚廬地嚮鋪苫  
枕地朝夕號泣次日東村劉升家黃雉犬來守之  
晝夜跟伏左右暴殫人迹發杙音禦護主察知至  
嗾乎俾回犬不動遂以索牽涕洟而歸固繫之復  
齧斷韋還堅守主慨而貽之人皆揚其孝感世昌  
不以為然期年始啖生菜哀毀骨立再期年生菜  
和鹹歷三稔衣裳垢破巾履穿裂親者皆稱頌弗  
置曰仁人孝子也予下車初聞而善之及踵廬九  
三見則其名實已知之審矣又明年乙未冬十二

月朔街人田義李陰張鑰劉聰晉琴堂下拜曰蕭  
貞士孝制將闕祠宇將元邑士大夫鄉鄰洎客居  
三百有奇人捐貲僦工刻石成碑願父母大人為  
記壽諸不朽用敦風化於戲忠臣孝子可以感天  
地可以動鬼神而豫有以驗於人心焉苟有纖息  
之可議則人心且不能不外矧動天地鬼神之足  
言耶世昌孤子一身孝出天性明而有以動乎人  
微而有以格乎物馴致如古人感天地動鬼神又  
豈別有所謂心歟予不能文特珞爰尚節之請故  
備輯見聞為誌彼其情偽混淆德德得名惡長民

敢為言哉行將達之 上聞指日 龍章錫於  
天 闕棹楔豎於喬門至如異日登甲第藏華要移  
孝為忠通顯於時又必推本其父母之賢有子  
之賢邇原於天道培履錦榮珠璣金聲玉振與  
古之忠孝間人等第聯輝使後之視今亦猶今  
之視昔誠有待於 黃閣之太史云

孫節婦傳

毛志

邑人吏科  
給事中

接節婦姓孫氏名淑真邑人敏之女幼性慧異其  
父教以書計及烈女傳即曉大義迨長敏以無子  
養祥符士人郭寧為養老婿未幾寧故氏年方十  
有九且無出哀痛幾絕墳墓以禮自是敝衣糲食  
躬操井臼動於紡織篤志以事其父親故有憐其  
少寡欲奪其志者氏曰夫有遺言我下幸而父母  
蚤逝故父齒老無子汝當堅節善事以終其年我  
已斷髮矢誓許諾矣今寧昔盟再適人耶衆皆感  
泣無敢言者後庶母張氏幸生一子甫五閏月而

張七氏乃顧乳懷保彌三周而父亦卒氏哀毀踰  
禮如夫殮葬極力撫弟冀其成立以紹父裔詎意  
弟又歿折氏乃矢志愈堅奉先彌謹既以祖塋逼  
迫慮有後患乃卜地遷葬儀悉克備觀者感涕莫  
敢享年七十有四始卒孀居五十餘年始終一節  
毫無所玷鄉人咸以為衲式嗟夫自古節婦固為  
多矣然猶有父母兄弟伯叔子姪之養未為甚也  
若淑真者孀孀才立形影相弔衣食自給居處蕭  
條恬不介意而冰心鍊懷雪骨霜姿皎然清潔真  
節婦中之至難疾風中之勁草也為婦如此夫何

愧古人而不可及哉余因親覩其實不忍湮沒而  
樂為之傳且以為士君子讀聖賢書而懷貳心以  
事其君者告

詩類

陽武懷古

喬縉洛陽人陝西恭議

圍城燕趙大河濱  
官渡舟閑草色新  
里閑猶憶分  
車肉江湖不見放  
龜人黑洋山頂閑  
秋月博浪沙  
頭暗暮  
空却羨漢家張相府  
至今曆學動星辰

前題

薛瑄河津人吏部侍郎  
薛瑄翰林院學士

黃河南下是通津  
縣郭千年枕水濱  
兵結團城猶  
有漢車轍博浪已無秦  
黑洋山遠橫殘照  
清水潭  
乾越暮  
塵一立馬幾回思  
往事宰平誰識里中人

次前韻二首

曹建彬陽人河南按察  
司提學僉事

國立中央圖書館, NATIONAL CENTRAL LIBRARY, TAIWAN, R.O.C.

三 上黃江古岸濱圍城草色又回新路平宮渡多  
行客水次洋山少住人博浪沙乾眠白鷺荒林村  
寒暗紅塵夜深遠眺文侯塚尚有台光射北辰

前人

寒煙蔓蔓一青龍津一葉舟橫古渡濱地卷百年人  
真世圍城千古路通秦殘碑自古空遺恨廢館苔  
瓦盡是塵一日暮停聽思往事數聲長笛更愁人

次前韻 二首

孫子良 錢塘人山東布政司參議

博浪沙重 汴水濱經竹折得柳條新時清不見乘  
急客社古 猶懷羊肉人山勢西來御落日水流東

去逐飛塵今人猶羨張丞相學術兼能究列辰

前人

東風放棹過前古木森森兩岸濱人物猶聞追  
上世山河依舊隔西秦文侯暮下春多草孺子祠  
前日聚塵秦漢當年較勝負分明成業賴賢人

次前韻

盧守仁 臨海人儒學教諭

圍城昔日據通津今對三陵瘞水濱間出宰平天  
祇漢自從狙擊地非秦黑山淪沒通舟楫官渡煙  
迷駝馬塵幾步脾崗懷往古文侯德業獨過人

次韻

毛志 邑人進士吏科給事中

圍城門外舊河津自古英雄駐此濱  
輔漢宰平終滅楚報歸人傑竟降秦  
張蒼暮上啼春鳥袁紹營中掩暮塵  
遺跡不隨流水去清風明月仰前人

次韻

王光邑人進士山西按察司副使

諸將爭雄據此津兩營殺氣暗河濱  
削平紹旅遂非操銷盡良推尚怨秦  
此日功名千古多百年骨肉一成塵  
弓聲遺簡今猶在常使英雄想舊人

前題

陳理德州人進士本縣人

黃河南去白沙平對景閑將往事評  
徂擊秦君驚傳浪奇謀漢相出圍城  
張蒼暮古疏松老袁紹營

荒密草生幾代英賢何處去夕陽鳥啼不勝情

道經陽武馬懷二首

李瀚沁水人代巡河南

汝郡南來秋色稀西風禾黍黍全肥  
道傍酒肆黃茅屋樹裏人家白板扉  
冤滯閉心愁擔重簿書勞我宦情微  
何當挽取長河水以以撒紅塵一澣衣

前八

短劍疑霜客袂寒  
羸軀連日瘡以征鞍  
故鄉風物三年別  
上國鶯花二月看  
迂拙迂從人眼白  
戰兢直欲我心丹  
朝來又向南園道  
道更晨炊耻素餐  
適視學至陽武馬懷用李生以御壁間舊韻二首

其一

前人八

地僻經過車轍稀也應生物土膏肥看情草色渾  
連徑照眼榴花半掩扉忙恐絲心番文事重靜憐千  
古道心教地驛告是明朝路苦大遣緇塵染素衣

其二

前人

霜節凌風溢夏寒日斜馳馬出征鞍三更短燭從  
客坐數卷殘書次第看泮水口開希聖戶藥囊誰  
貯活人丹青矜眼底多英俊如力從今共飽餐

次前韻二首

南台河南按察

同僉事

共上東來山色稀旁河虛裏山心偏肥經霜草木搏

青野向晚牛羊識舊飛鴻鴈圖幽南空寂冥風塵直

北盡罪微自漸而食真何補望高岡一振衣

前人

朔風烈晚禾寒獨向孤城又解鞍雙髮蕭蕭愁

裏變三年景物夢中看此心自有千休訣吾道寧

無九轉丹泉石何時是真隱出門款坐只加餐

陽武即事

西台王臺山人

兩浙來官纔五日無端驅數車以黃河道經古縣民

風朴塵踏長途谷鬢皤二麥重而需三月雨一陽將

布萬方和邊烽已息時豈給在處歡騰擊壤歌

博浪沙

崆峒李夢陽

江西提學副使

博浪沙中携椎走鴻門  
帳前堪繼王斗誰謂張良貌  
如婦赤帝子起鞭赤龍臣也  
語曰籍從赤松赤松子  
在何許君不見朝烹縛

前題

唐王先

湖廣人編是都司經歷

博浪沙頭有浪痕  
子房曾此報君恩  
層層疊疊玉清  
晨潤漠漠隨風白  
晝昏野鳥未回迷  
象籍神龍飛去擁崑崙  
河流幾度成陳迹  
惟有芳名萬古存

前題

毛士心

夏木森森一境通  
清徹拂面正南風  
遠飄鳥語疎

枝外細瀝魚鱗密  
藻中麤政當年驚副車  
張良此地顯孤忠  
千年故跡今猶在  
對景空懷恨不平

過博浪沙有懷留侯子房  
陳理

偶經博浪憶留侯  
蓋世英雄第一流  
輔漢報韓金石志  
降秦滅楚鬼神謀  
功勳說是人間夢  
富貴如為水上漚  
不恋浮名師帝者  
投簪獨伴赤松遊

前題

孫子良

博浪沙邊報主恩  
丹衷耿耿孰堪倫  
黃河北去埋遺跡  
午吹南來慘斷魂  
流水無情消歲月  
芳名不朽買乾坤  
我來一吊傷懷抱  
徒倚勳風拭淚痕



前題

陳遜東吳人固安縣學教諭

博浪沙頭望怒濤子房才氣總雄豪浪從兩邊奔  
馳急身覓封留志識高祖擊祖龍雖戲策共稱人  
傑豈庸曹漫遊何處尋芳躅獨有沙名萬古褒

前題

王光

蓋世英雄汗簡彰報韓聞說奮斯荒激昂義氣吞  
秦楚凜烈忠肝輔漢王社稷安危懸掌握君臣志  
節肅風霜當年遺迹開芳草一度登臨一慨傷

博浪沙亭

陳理

亭址湮沒已作田此石還與世人傳經營想在車

驚後廢毀思當水邊

石尤殘橫追往事金椎磨

洗認當年今朝跨馬閑

此過一望沙頭思惘然

庫上里

李昌祺廬陵人河南左布政使

蕭門英姿如冠王壯志不在分社肉一朝起佐隆

準公千載功勳奇計六代長陵拜罷代相歸西朝經

濟端有屬莫言不與三保稱獨識調元和玉燭

前題

劉成江西太和縣人河南按察司僉事

梁棟高材冠王姿蕭門蹇庸暫棲遲里中作宰人  
稱羨天上封侯誰見期躡足可回真主怒捐金能  
使項王疑子生功業多如此不獨平城一策奇

前題

陳遜

背楚依劉便有為，  
報功還讓魏無知。  
貧關困處蕭門日，  
志立均分社肉時。  
六出奇謀垂竹帛，  
兩朝相業著銘彝。  
精英不昧如雲鶴，  
致使高人仰令儀。

過官渡有感

毛志

夕照蒼茫暝色浮，  
煙波渺渺客歸舟。  
遠觀漁火明沙際，  
謾聽行人喚渡頭。  
萬里朝天通博浪，  
二泓分派出鴻溝。  
表曹割據今何在，  
沮沒遺迹黍稷疇。

圍城

前人

孤城佳境繞周遭，  
春苦丁池邊映翠濤。  
青麥雨中生嫩葉，  
綠楊風裏裊新條。  
夢歸當運詩偏雅，  
趣入蓮溪道最高。  
一點春光人可愛，  
由來杜甫任遊遨。

再過圍城有感

陳遜

蕭條上壘舊軍營，  
兩度經過倍感情。  
袁紹何必扶漢祚，  
曹瞞用意築圍城。  
英雄費盡千般計，  
勝敗都歸一戰兵。  
吊古謾思千載事，  
空餘草色翠雲中。

脾沙岡

前人

沙岡高聳出平田，  
其狀如脾望鶴然。  
古木森森留客憇，  
薰風拂拂使人憐。  
芊綿芳草鋪平野，  
縹緲祥雲接遠天。  
此處最宜供眺望，  
雄誇陽武自年年。

地城倉

前人

碧天如洗曉生寒景物瀟條秋意闌  
往古廢城遺野外西風落葉舞林端  
思尊張翰鄉情切賞雨陶潛酒量寬  
自是悲秋人慷慨何當樓此樂清閑

三陵塚

唐奉光

高人精魄尚昭昭日煖風和雪乍消  
瑤草參差那易拾玉山堅固不堪雕  
推衣縣令無踪跡訪戴先生竟寂寥  
時日登臨舒一笑好詩如在霸陵橋

前題

張頌雲陽人儒學分教

品列荒郊總土兵巍然峻峙似山留  
夕陽影落空

林晚積雪光寒瑞氣浮南帶楚吳襟  
汴水西通秦晉控鴻溝登臨莫問誰家塚  
不比三桃晏子謀

前題

毛志

積雪凝輝萬里餘三陵晴霽玉魚鞍  
梅橫沼岸移冰影眼耀山頭狀日花  
幾樹白消狐狸塚半蘆青迷野人家  
已知豐北農夫悅豈但東門學種瓜

黑洋山

唐奉光

數椽茅屋大河涓山色當門景最奇  
陽氣一升收頃刻晝樓重見影移時  
鳥金自是成岩穴碧玉誰將錢鼎爨  
惟願從龍飛去遠溥施霖雨徧天涯

前題

孫子良

雲峰翠嶺枕河流四野陰雲萬不收化作奇形初  
覆苑散為圖化速迎接往來隨意浮山外舒卷無  
心碧落頭莫道後龍無雨意行看膏澤潤田疇

前題

玉光

黑山縹緲野雲浮雲影參天入望眸疊疊空中俄  
變狗重重嶺畔已成樓只生悲以從龍起也到蒼  
梧翼鳳遊此景其徒閑遣興為霖百里潤田疇

前題

范箕

大興人進士本縣令

黑山堆裏障黃流煙樹蒼蒼雨乍收橫枕縣西二

十里旋因河內幾千秋有恒夜月明雷漢無復芳  
辰上畫樓遙望平川倍惆悵茫茫世事撥浮漚

陳都尉墓

劉昌

河南按察司提學副使

曾聞此地葬陳平下馬徘徊一愴情樹色平荒殘  
照慘山形依舊暮雲橫人高碑去夕天外大接兵  
來廟已傾留得遺踪誰解吊月明帝斷野狐聲

前題

陳孚

四百興劉六計奇寺姿冠玉儼容儀空原有路通  
幽真芳草無情波斷碑宰相固同分柱日封侯不  
似受金時忠魂三尺埋黃壤一奠淑英有所思

陳都尉祠

陳理

原城古渡方一侯相遺像還如冠玉安室而素為鄉  
老重事君猶有漢王知不誇門外千金賂惟喜胸  
中六策奇一心八功臣何處去夕陽空照道傍碑

前題

范箕

率社當時父老稱策出六奇摠由心請封燻足謀  
敵密天間捐公計畧陰芳烈曾聞論土世良圖從  
此頌遺音惟口何巨鎮黃河水古木參雲歲月深

訪文侯塚

陳理

文侯墓上草生時竹瀉椒漿奠一卮翁仲沙埋微

有面松標歲老半無枝亡秦得罪秦君暗輔漢功  
成漢主知聲價非徒當世重曆書運動後人思

前題

王敬安仁人儒學司訓

一觀郊墟意恻然曆書贏得後人傳功成漢室曾  
封土事向秦君不識賢勁草萋萋春幾度啼猿切  
切月盈天我未尋覓乘多興歸對斜暉不盡憐

謁文侯祠

陳理

丞相祠堂煙樹波曾于經史見猷為功施社稷生  
前事澤波生民死後思律學細推心獨苦方書博  
覽莫成緣春秋祈報瞻遺像凜凜威靈冠古奇

題劉婦貞烈

馬義文 邑人寧國丞

夫亡耶誓與偕亡潛繼柩旁實可傷慷慨捐生人  
有幾從容就死世無雙疾風勁草誠奇特烈火真  
金果異常觸目感懷情激切揮毫拭淚寫詩章  
一 度陽武故黃河所衝博浪沙有懷留侯子房

朱裡太僕寺寺丞 昌人

黃河怒決崑崙地風駕驚濤五千里十里水湯復  
揚塵馬蹄又踏新河底河邊古阜多野花人傳此  
是博浪沙子房從此募力士狙擊夜候秦王車想  
報東巡下函谷金爐已向沙頭次一聲霹靂鬼神

鷲共訝龍輿碎黃屋大率十日徒為爾孺子竟先  
遊下邳沙丘鮑魚忽中潰雲氣漸向砥礪移咸陽  
鹿走阿房殿軼道仍開小龍死蕭蕭徒並三傑禱  
誰似君能報國耻

過官渡有感

刁筠祥符人舉明經

炎網失馳作龍魚孤嗥鱗舞都為墟一水千年陵  
谷變狼立秦石名不殊袁曹寡衆本難敵豈鮮成  
功計非力子卿一轉鳥巢空並冀健兒膏血漑平  
野蕭蕭禾黍秋至今猶帶浮雲愁欲訪津涯何處  
問老瞞骨冷胡雉羞

御製詩

毛寶放龜

見為善陰陽

武昌市得白龜時畜養慈愍放水涯多少世人心  
害物獨怜毛寶有仁慈

白龜買放得全生毛寶陰功自足稱他日江沅能  
濟難信知微物摠含靈

時校歸喪

同前

載寶求妻重承傳蘭女歸喪實可憐肯為揮金歸  
旅視却將宗嗣付皇天

助歸喪奠事誠難陰德潛行志所安羨妾不求天

有報嗣人名位至天官

博浪沙

胡曾

嬴政鯨吞六合秋削平天下虜諸侯山東不是無  
公子何事張良獨報讐

前題

陳孚

一擊車中石氣高祖龍社稷已驚搖如何十二金  
人外猶有人間鉄未消

前題

羅大經 廬陵人

不惜黃金蒸鍊椎祖龍身在魄先飛田齊楚頂紛  
紛起輸與先王第一機

博浪沙古一

姚應士 四明人

博浪飛沙殺 氣粗始皇何事出函都 不知一擊山河動 猶築長城欲絕胡

庫上里

朱禔

偽遊雲夢終 既詐圍解平城未足奇 獨愛君侯能報本 分封曾讓魏無知

陳都尉墓

陳孚

數數驅馳事 漢高立功端不讓 蕭曹百年英骨埋 幽壤惟有孤 一伴冥冥

陳平率

姚應士

庫上當年幾百人 如何率向少年陳 漢家天下當如此 收拾人心只在均

官渡古吊

前人

袁曹角力事堪哀 尸骨當年積草萊 忽聽渡頭風浪惡 土人猶道曠兵來

前題

本初為措定 中華官渡相持動 虎牙若使許攸財 用足山河爭得屬曹家

黃河

誰言為利多於害 我謂長渾未始清 西至崑崙東



到海世間多少不平聲

渡黃河

一漢簡霄

浮沙濁浪翻河底平地風波此實多舟子莫須驚  
至險孤槎幾度到天河

張蒼故里

姚應灝

何處文侯漢相家故園寂寞畫桑麻獨餘曆數先  
天學夜夜星辰動八叉

宿廣嚴寺二首

毛志

邀賓訪友宿禪林一榻松風度梵音談罷空緣方  
就寢鐘聲喚醒亂啼禽

路入招提景最清閑尋老衲問三生慇懃留我禪

堂宿夜靜月明鶴一聲

庫上里

范箕

大風雲飛揚楚漢方昂峙手提四萬金謀出六奇  
計功成曲逆封還思造化思擾擾後來人矜誇

用智

文明寺停驂

胡纘宗按天水人河南

擊磬參般若升堂問色空老僧默無語合掌

梧東

詠奎樓因致望於應試諸友

儀竹陳吳知

奎樓樓上樓之此

夜樂南州文錦北

路荒開四十年光緒

世相縣



臺灣國家圖書館, NATIONAL CENTRAL LIBRARY, TAIWAN, R.O.C.